

## KESALAHAN - KESALAHAN

### DI BAWAH AKTA IMIGRESEN PENGGAL 17

BAB dan DEFINISI	HUKUMAN
<p><b>5 (1)</b></p> <p>Masuk ke Negara ini tanpa melalui Pos Kawalan Imigresen yang diisytiharkan</p>	<p>1. Boleh didenda sebanyak \$2,000 atau penjara selama 6 bulan.</p> <p>2. Boleh ditawarkan kompaun dengan mengutip tidak melebihi \$600.00 di bawah peruntukan Bab 58(1)(a)</p>
<p><b>5 (2)</b></p> <p>Keluar dari Negara ini tanpa melalui Pos Kawalan Imigresen yang diisytiharkan</p>	<p>1. Boleh didenda sebanyak \$2,000 atau penjara selama 6 bulan</p> <p>2. Boleh ditawarkan kompaun dengan mengutip tidak melebihi \$600.00 di bawah peruntukan Bab 58(1)(a)</p>
<p><b>6 (1) (c)</b></p> <p>Masuk dan Tinggal di negara ini tanpa mempunyai Pas Imigresen yang sah/Pendatang Haram</p>	<p>Penjara tidak kurang dari 3 bulan dan tidak melebihi 2 tahun dan sebat tidak kurang dari 3 kali sebatan</p>
<p><b>15 (1)</b></p> <p>Tinggal lebih Masa setelah Pas Imigresennya mansuh</p>	<p><u>Jika tidak Melebihi 90 hari:</u> Penjara bagi tempoh tidak melebihi dari 6 bulan atau denda tidak melebihi \$4,000 di bawah peruntukan Bab 15(2)(a).</p> <p><u>Jika Melebihi 90 hari:</u> Penjara tidak kurang dari 3 bulan dan tidak melebihi 2 tahun dan sebat tidak kurang dari 3 kali sebatan.</p> <p>Boleh ditawarkan kompaun dengan mengutip tidak melebihi \$600.00 di bawah peruntukan Bab 58(1)(a)</p>

<p style="text-align: center;"><b>28 (3) (d)</b></p> <p>Mana-mana orang dengan mengetahui mengemukakan sebarang dokumen palsu atau mengelirukan</p>	<p>Boleh didenda sebanyak \$2,000 atau penjara selama 6 bulan di bawah peruntukan Bab 58</p>
<p style="text-align: center;"><b>36</b></p> <p>Mana-mana orang yang kembali memasuki negara ini secara haram selepas diusir</p>	<p>Penjara tidak kurang dari 1 tahun dan tidak melebihi dari 3 tahun dan boleh didenda sebanyak \$6,000.00 di bawah Bab 36.</p>
<p style="text-align: center;"><b>55 (1) (a)</b></p> <p>Memasuki secara haram atau cuba memasuki secara haram/tidak sah ke Negara Brunei Darussalam (Attempted to enter)</p>	<p>Penjara tidak kurang dari 3 tahun dan tidak melebihi dari 2 tahun dan didenda sebanyak \$4,000.00.</p>
<p style="text-align: center;"><b>55 (1) (b)</b></p> <p>Bersubahat dengan mana-mana orang untuk memasuki atau meninggalkan negara ini dengan melanggar syarat-syarat dari Akta dan Peraturan-Peraturan Imigresen</p>	<p>Penjara tidak kurang dari 2 tahun dan tidak melebihi 7 tahun dan sebat tidak kurang dari 3 kali sebatan</p>
<p style="text-align: center;"><b>55 (1) (c)</b></p> <p>Mengambil bahagian dalam perniagaan membawa masuk pesalah Imigresen ke negara ini</p>	<p>Penjara tidak kurang dari 2 tahun dan tidak melebihi 7 tahun dan sebat tidak kurang dari 3 kali sebatan</p>

<p style="text-align: center;"><b>55 (1) (d)</b></p> <p>Memberikan Perlindungan kepada Pesalah Imigresen (Harbouring) yang melanggar syarat-syarat dari Akta dan Peraturan-Peraturan Imigresen dengan cara memberikan tempat tinggal/memberi makan/ minum dengan cara untuk menyembunyikannya</p>	<p>Penjara selama satu tempoh tidak melebihi dari 2 tahun, satu denda tidak kurang dari \$3,000 tetapi tidak melebihi dari \$6,000 atau kedua-duanya sekali, dan dalam hal suatu kesalahan kedua atau berikutnya, penjara selama suatu tempoh tidak melebihi 4 tahun, suatu denda tidak kurang dari \$6,000 tetapi tidak melebihi dari \$12,000 atau kedua-duanya sekali di bawah peruntukan Bab 55 (1)(iii).</p>
<p style="text-align: center;"><b>55 (1) (e)</b></p> <p>Mengambil bekerja atau menggaji pesalah Imigresen (Employed) yang melanggar syarat-syarat Bab 6, Bab 15 atau 36 dari Akta dan Peraturan-Peraturan Imigresen.</p>	<p>Penjara selama satu tempoh tidak melebihi dari 2 tahun, satu denda tidak kurang dari \$3,000 tetapi tidak melebihi dari \$6,000 atau kedua-duanya sekali, dan dalam hal suatu kesalahan kedua atau berikutnya, penjara selama suatu tempoh tidak melebihi 4 tahun, suatu denda tidak kurang dari \$6,000 tetapi tidak melebihi dari \$12,000 atau kedua-duanya sekali di bawah peruntukan Bab 55 (1)(iii).</p>
<p style="text-align: center;"><b>55 (1) (k)</b></p> <p>Dengan membuat keterangan palsu mendapatkan atau cuba mendapatkan suatu permit masuk atau masuk semula, pas atau perakuan untuk mana-mana orang lain.</p>	<p>Boleh dipenjara tidak melebihi dari 6 bulan dan denda tidak melebihi \$2,000 dibawah peruntukan Bab 55 (1)(iv)</p>
<p style="text-align: center;"><b>55 (1) (l)</b></p> <p>Menggunakan atau tanpa kebenaran yang sah ada dalam miliknya sebarang permit masuk atau masuk semula, pas atau perakuan atau dokumen lain yang palsu, yang diubah dengan menyalahi undang-undang atau yang luar aturan yang dikeluarkan dibawah Akta atau</p>	<p>Boleh dihukum penjara selama satu tempoh yang tidak melebihi 1 tahun, denda tidak melebihi \$4,000 atau kedua-duanya sekali di bawah peruntukan Bab 55 (1)(iv)</p>

<p>Peraturan-Peraturannya atau sebarang permit, pas atau perakuan cemas atau dokumen lain yang dikeluarkan itu dalam mana sebarang catatannya telah diubah dengan menyalahi undang-undang.</p>	
<p style="text-align: center;"><b>55B (1)</b></p> <p>Penghuni satu tempat kerja yang mengawal kemasukan ke tempat kerja itu tidaklah boleh membenarkan mana-mana Pesalah Imigresen untuk memasuki dan tinggal di tempat kerja itu.</p>	<p>Penjara tidak lebih 1 tahun, atau boleh didenda tidak melebihi daripada \$6,000 dan tidak lebih dari \$12, 000 atau kedua-duanya sekali bagi setiap salah seorang Pesalah Imigresen yang di jumpai ditempat tersebut di bawah peruntukan Bab 55 (6)</p> <p><b><u>Kesalahan Kedua dan Berikutnya</u></b></p> <p>Penjara tidak lebih 2 tahun, atau boleh didenda tidak kurang daripada \$12,000 dan tidak lebih dari \$24, 000 atau kedua-duanya sekali bagi setiap seorang Pesalah Imigresen yang dijumpai di tempat tersebut di bawah peruntukan Bab 55 (6)</p>